

萬有文庫

第一集一千種

王雲五主編

農政全書

(十)

徐光啓著

商務印書館發行



農政全書

(十)

徐光啓著

國學基本叢書

萬有文庫

第一集一千種

總編纂者

王雲五

商務印書館發行

編主五雲王

庫文有萬

種千一集一第

書全政農

冊十

著啓光徐

號一〇五路山寶海上

五雲王

人行發

路山寶海上

館書印務商

所刷印

埠各及海上

館書印務商

所行發

版初月十年九十國民華中

The Complete Library

Edited by

Y. W. WONG

NUNG CHENG TS'UAN SHU

BY SŪ KUANG CH'I

PUBLISHED BY Y. W. WONG

THE COMMERCIAL PRESS, LTD.

Shanghai, China

1930

農政全書卷之五十五

明時進光祿大夫太子太保禮部尚書兼文淵閣大學士贈少保謚文定上海徐光啟纂輯
明欽差總理糧餉提督軍務兼巡撫應天等處地方都察院右僉都御史東陽孫國維鑒定

直隸松江府知府穀城方岳貢同鑒

荒政 採周憲王救荒本草

木部 實可食

榟核樹



榟核樹 俗名榟李子。生函谷川谷及巴西河東皆有。今古嶠關西茶店山谷間亦有之。其木
高四五尺。枝條有刺。葉細似枸杞葉而尖長。又似桃葉而狹小亦薄。花開白色。結子紅紫色。附
枝莖而生。狀類五味子。其核仁味甘性溫微寒無毒。其果味甘酸。
救飢 摘取其果紅紫色熟者食之。

酸 棗 樹



酸棗樹 爾雅謂之棘棗出河東川澤金城壘坡野間多有之其木似棗而皮細莖多棘刺葉似棗葉微小花似棗花結實紅紫色似棗而圓小核中人微匾名酸棗人入藥用味酸性平。一云性微熱惡防己。

救飢 採取其棗爲果食之亦可釀酒熬作燒酒飲未紅熟時採取煮食亦可。
元扈先生曰嘗過

橡子樹



橡子樹 本草橡實橡木子也其殼一名橡斗所在山谷有之木高二三丈葉似栗葉而大開黃花其實橡也有林彙自裹其殼即橡斗也橡實味苦澁性微溫無毒其殼斗可染皂。

救飢 取子換水浸煮十五次淘去澁味蒸極熟食之厚腸胃肥健人不飢。

元扈先生曰食麥橡令人健行。

又曰取子碾或春或磨細水淘去苦味次淘取粗查桐系甚充腸淘取細粉如製真粉天花粉法與栗粉不異也凡木實草根去惡味取淨粉法並同。

荆子



荆子 本草有牡荊實一名小荊實俗名黃荊生河閒南陽宛句山谷并眉州蜀州平壽都鄉高岸及田野中今處處有之卽作筆杖者作科條生枝莖堅勁對生枝叉葉似麻葉而疎短又有葉似椶葉而短小卻多花叉者開花作穗花色粉紅微帶紫結實大如黍粒而黃黑色味苦性溫無毒防風爲之使惡石膏烏頭陶隱居登眞隱訣云荊木之華葉通神見鬼精救飢採子換水浸淘去苦味曬乾搗磨爲麵食之


實 棗 兒 樹



實棗兒樹 本草名山茱萸一名蜀棗一名鷄足一名魁實一名鼠矢生漢中川谷及瑯琊宛句東海承縣海州今鈞州密縣山谷中亦有之木高丈餘葉似榆葉而寬稍圓枝脈微隆開淡黃白花結實似酸棗大微長兩頭尖觜色赤乾則皮薄味酸性平微溫無毒一云味鹹辛大熱黎實爲之使惡桔梗防風防已。

救飢 摘取實棗紅熟者食之。

孩兒拳頭



孩兒拳頭 本草名莢蒾一名擊蒾一名弄先舊不著所出州土但云所在山谷多有之今輝縣太行山山野中亦有其本作小樹葉似木槿而薄又似杏葉頗大亦薄澁枝葉開闢黃花結子似漫疏兩兩切並四四相對數對共爲一攢生則青熟則赤色味甘苦性平無毒蓋檀榆之類也其皮堪爲索


救飢 採子紅熟者食之又煮枝汁少加米作粥甚美
元扈先生曰詩疏云斫檀不得得擊蒾卽此木也

山 藜 兒



山藜兒 一名金剛樹。又名鉄刷子。生鈞州山野中。科條高三四尺。枝條上有小刺。葉似杏葉。頗圓小開白花。結實如葡萄類。大熟則紅黃色。味甘酸。救飢採實食之。

山 裏 果 兒



山裏果兒 一名山裏紅。又名映山紅果。生新鄭縣山野中。枝莖似初生桑條。上多小刺。葉似菊花葉稍團。又似花桑葉亦團。開白花。結紅果大如櫻桃。味甜。救飢。採樹熟果食之。

無 花 果



無花果 生山野中。今人家園圃中亦栽。葉形如葡萄葉。頗長。硬而厚。稍作三叉枝。葉間生果。初則青小。熟大。狀如李子。色似紫茄。色味甜。

救飢 採果食之。

治病 今人傳說治心痛。用葉煎湯服甚効。


元扈先生曰。子本佳果。第須良種。宜廣植之。

青 舍 子 條



青舍子條 生密縣山谷間。科條微帶柿黃色。葉似胡枝子葉而光俊微尖。枝條稍開開淡粉
紫花。結子似枸杞子微小。生則青而後變紅。熟則紫黑色。味甜。
救飢 採摘其子紫熟者食之。

白棠子樹




白棠子樹 一名沙棠梨兒 一名羊爛子樹 又名剪子果 生荒野中 枝梗似棠梨樹枝而細 其色微白 葉似棠葉而窄小 色亦頗白 又似女兒茶葉 卻大而背白 結子如豌豆 大味酸甜。救飢 其子甜熟時摘取食之。

拐棗



拐棗 生密縣梁家衝山谷中。葉似楮葉而無花叉。卻更尖稍。面多紋脈。邊有細鋸齒。開淡黃
花。結實狀似生姜。拐叉而細短深茶褐色。故名拐棗。味甜。
救飢。摘取拐棗成熟者食之。

木 桃 兒 樹



木桃兒樹 生中牟土山間樹高五尺餘枝條上氣脈積聚爲疙瘡狀類小桃兒極堅實故名
木桃其葉似楮葉而狹小無花又卻有細鋸齒又似青檀葉稍開另又開淡紫花結子似梧桐
子而大熟則淡銀褐色味甜可食
救飢 採取其子熟者食之